



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Enarrationes Novae D. Martini Lutheri in Ionam Prophetam**

**Jonas, Justus**

**Haganoæ**

Sed tu uitam meam a perditione liberasti, Domine deus meus.

**urn:nbn:de:hbz:466:1-36521**

thenis conclusit, id est, ipse nō aliter cogitat, quā  
 ibi sibi perpetuo manendū esse, & nunquā se esse  
 euasurum. Nam quemadmodū is qui in turri est ca=  
 ptiuus, cogitur in carcere manere, quia ianua & fe=  
 nestræ clausæ sunt: ita is cogitur manere in mari,  
 qui sic descendit in profundū, ibi terra, id est, mon=  
 tes inter quos mare transit eum conclusit, & mari  
 & undis sic clausit, ut euadere non possit. Hic ite=  
 rum uides cuiusmodi cogitationibus conflictatus sit  
 Ionas in uentre ceti, cibi & potus facile est oblitus.  
 Tantū in meris certaminibus & uario agone mor=  
 tis adeo est uersatus, ut de uita prorsus desperarit.  
 Hic adhuc nullam audis inuocationem Dei.

**Sed tu uitam meam a perditio=  
 neliberaſti, Domine deus meus.**

Hic nunc recreatur afflictus Ionas, & aliæ ueni=  
 unt ei cogitationes. Hic haftenus tot arietibus op=  
 pugnata, ac penē expugnata fides Ionæ, rursus se=  
 erigit & audet sperare uictoriam. Hic nonnihil di=  
 spellitur tenebræ temptationis, & affulget aliquid  
 lucis, quasi dicat Ionas, Eo ipso momento quo uide=  
 batur mihi in profundo absorptus, & iam omnia  
 desperata erant, neq; ulla usquā spes apparebat  
 uitæ aut salutis, ibi tu Deus meus mirabili potentia  
 tua, iuxta misericordiæ tuæ amplitudinem eripui=  
 H

I N I O N A M

sti dextera tua è faucibus mortis, & repente uer-  
 sti luctum mihi in chorum, tenebras in uiuificam cõ  
 solationis lucem. Sic enim habet res cum tentationi-  
 bus, ut dicitur Germanico prouerbio, Quando ner-  
 uus maxime tenditur, tunc dirumpitur. Ideo scri-  
 ptura Deo tribuit titulum, adiutor in opportunita-  
 tibus, in tentatiõe: quia cum maxime omnia sunt de-  
 sperata, solet maxime consolari suos Deus. Quo-  
 modo autem nobiscum agit Deus, quãdo sic conso-  
 latur & iuuat, audi Ionam.

Cum deficeret anima mea, Do-  
 mini recordatus sum.

Primum dat Deus gratiam & spiritũ, ut cor eri-  
 gatur & animetur rursus, ut uiriliter repudiens co-  
 gitationes iræ, possit apprehendere uerbum pro-  
 missionis gratiæ & misericordiæ, uertere se à Deo  
 iudice, & accurrere ad Deum patrem. At sic affici  
 tempore tentationis non est in manu nostra, neque  
 humanarum uirũ. Ionas hic dicit, quod anima eius  
 cœperit desperare & pauere. Trepidatio igitur et  
 pauor uirtutes sunt, & uires nostræ & liberi arbi-  
 trij. Quod autẽ iam dulciter erga Deum afficitur,  
 recordatur Domini sui, & incipit credere, hoc op-  
 pus est, & lumen spiritus Dei. Cum autẽ hoc, post  
 tenebras tentationis sequitur, ut cor incipiat recor-  
 dari